

本草品彙精要

進本草品彙精要續集表

太醫院吏目

臣

王道純醫士

臣

江兆元謹

奏爲欽奉

上諭事康熙三十九年七月二十六日

武英殿監造

臣

赫世亨

臣

張常住奉

聖旨發下明弘治年繪像本草品彙精要四十二卷

再行繪錄一部

命

臣

道純

臣

兆元查對校正其中字句錯落註釋舛

誤者

臣

道純

臣

兆元單開請

旨悉蒙

聖鑒改定其品彙所載比綱目尙少四百八十餘條復

命

臣

道純

臣

兆元補足以備叅考欽此

臣

等考校綱目

謹照舊例編集十卷復將脉訣四言舉要附以註

釋上呈

睿覽

臣

等謹奉

表稱

進者

伏以

芝圃雲凝仙草貢山川之瑞

璇源露潤靈枝敷巖谷之芳

德至於地而無地不春

仁及於物而有物皆壽猶以傳心者傳書邈若赤

文碧字復以醫民者醫國重披綠籍青囊永垂

千載之模欣承曠世之遇臣等誠惶誠恐稽首

頓首上言竊惟素問傳於黃帝微言與大易同
觀藥性嘗自神農取類比爾雅更悉弘景註釋
於梁代世勛重刊於唐時郭璞蘇恭之賢互有
証據慎微劉翰之輩相繼增修降及前明李時
珍兼衆美以集成迨至

本朝張朝璘搜散帙而傳世要皆大醇而小疵遂使
金韜而玉璞茲蓋伏遇

皇帝陛下

功侔造化

道合裁成

氣順可以補天不待女媧彩石

風行可以偃地無煩炎帝頽鞭乃已溺爲懷每當

蘊隆而問疾苦如傷在抱時施藥餌以濟羸羸

謂六經雖劑世之綱維而百卉亦生人之祥瑞

况良醫必資良藥奇方端賴奇書爰

頒琅函重修善本復宣

玉詔指示多方以爲內經諸部在前代俱有刻文至
于品彙一編惟弘治始成繪像但叅之綱目缺
漏等於蠹蟬覈其字音謬訛多於亥豕務使精
意究詳勤加讐校踵其事無妨青本於藍增其
華勿令朱奪於紫屢煩

聖心之區畫遂成

寶籍之輝煌開上林之園禽魚飛躍入萬花之谷錦
繡繽紛從此延壽丹泉可以披圖細看長生藥

餌無庸涉海遠求

臣

等材微續斷職典從容難

上太醫之箴莫辨桐君之錄仰承

寵命不棄草木無知奉

詔欣懷已同鳥獸咸若敢不勉效寸長少圖一得因

思脉訣雖有四診而舉要更有四言崔嘉彥著

之於前李言聞補之於後然意旨拘於聲韻而

字句有類歌飲求顯愈迷茫若擿埴欲明反晦

渾如面墻蓋必奧義湛於鏡中而後陽春生於

指下用是叅證羣書釋以註解敢曰老馬識途
庶幾腐螢照壁仰祈

聖擇芻蕘

海容支派鉛黃末業獲入金匱石室之藏纖芥微
名上近日照月臨之大小草空沾雨露遠志無
補涓埃惟居太和之時慶萬物之登壽域遊郅
隆之世觀庶品之樂春臺別無報稱祇益悚懼

臣等無任瞻

天仰

聖激切屏營之至謹奉

表稱

進以

聞

康熙四十年十一月

日_臣王道純_臣江兆元

[illegible]

本草品彙精要續集目錄

卷之一

玉石部 正續六十九種 附續一十七種

寶石 綱目 水精 拾遺 附 火珠 硬石

銀朱 綱目

蜜栗子 綱目 石炭 綱目 石麩 綱目

石芝 綱目 今案芝玉明芝九光
分錄 石脂 桂芝 石光
土黃 綱目

金剛石 綱目 砭石 綱目 附 砭石 砭石 杓上砂 綱目

石鼈 綱目 雷墨 綱目 湯瓶內鹼 綱目

馬肝石

綱目附錄

豬牙石

綱目附錄

碧牙石

綱目附錄

龍涎石

綱目附錄

鉛光石

綱目附錄

太陽石

綱目附錄

朶梯牙

綱目附錄

附金部

錫恡脂

綱目

鐵斧

綱目總錄

大刀環

綱目總錄

剪刀股

綱目總錄

鐵鍬

綱目總錄

馬鐙

綱目總錄

附土部

黃土

拾遺

太陽土

綱目

千步峰

綱目

燒尸場上土

目網

蜣螂轉丸

遺拾

螺螄泥

目網

白鱖泥

目網

犬尿泥

目網

尿坑泥

目網

糞坑底泥

目網

簷溜下泥

目網

田中泥

目網

烏爹泥

目網

土墜

目網

甘鍋

目網

砂鍋

目網

煙膠

目網

門日塵

目網

香爐灰

目網

附岸爐香

石鹼

遺補

附中亭部後

附水部

潦水

目網

神水

目網

阿井水

目網

山岸泉水

拾遺

車轍中水

綱目

蠶水

綱目

磨刀水

綱目

銅壺滴漏水

綱目

浸藍水

綱目 布染

洗手足水

綱目

洗兒湯

綱目

纁絲湯

續集 地後今附渡

附火部

陽火陰火

綱目

燧火

綱目

桑柴火

綱目

白炭火

綱目 標火 今燧炭

蘆火竹火

綱目

艾火

綱目 附陽燧

神鍼火

綱目 雷火 今鍼分

火鍼
目綱

燈火
目綱

燭燼
目綱

本草品彙精要續集卷之一目錄

本草品彙精要續集卷之一

太醫院

吏目臣王道純
醫士臣江兆元 奉

旨纂輯

玉石部

寶石

寶石主去翳明目入點藥用之灰塵入目以珠拭拂

卽去

本草綱目

名

李時珍云

紅者名刺子

碧者名靛子

翠者名馬價珠

黃者名木難珠

紫

者名蠟子

又有鴉鶻石

地

出西番回鶻地方諸坑井內雲南遼東亦

貓精石

石榴子

紅扁豆

坑井內雲南遼東亦

有之山海經云騾山多玉淒水出焉西注於海中多采石采石即寶石也碧者唐人謂之瑟瑟紅者宋人謂之靺鞨今通呼為寶石以鑲首飾器物張勃吳錄云越雋雲南河中出碧珠須祭而取之有縹碧綠碧此即碧色質大者如指頭小者如色有白黃紅綠寶石也質豆粒皆碾成珠狀色碧紫數色

水精無毒

水精主熨目除熱淚本草拾遺亦入點目藥穿串吞咽中

推引諸哽物本草綱目名水晶 水玉 石英李時珍

也山海經謂之水地倭國多水精第一南水精白質

玉廣雅謂之石英北水精黑信州武昌水精濁質

性堅而脆刀刮不動色澈如泉清色有黑白青紫類明而瑩置水中無瑕不見珠者佳書云太康四年

林邑王范能獻紫水精唾壺

味

辛

性

寒

屬

古語云水

一口青白水精唾壺二口

化謬言也

藥燒成者有氣眼謂之硝子一名海水

精抱朴子云交廣人作假水精蓋是此

火珠

綱目附錄 李時珍云說文謂之火齊珠 漢書

出火齊珠大者如鷄卵狀類水精圓白照數尺日中以艾承之則得火用灸艾炷不傷人今占城國有之

名朝霞大火珠又續漢書云哀牢夷出火

精琉璃則火齊乃火精之訛正與水精對

硬石

音更綱目附錄 李時珍云出鴈門石次於玉

云上佩硬

玫是也

銀朱

有毒

銀朱主破積滯劫痰涎散結胸療疥癬惡瘡殺蟲及

虱功同粉霜

本草綱目

名

猩紅

紫粉霜

李時珍云昔

為朱者即此也名亦由此

味

辛

性

溫

製

胡演丹藥秘訣云升鍊銀朱用石亭脂二斤新鍋內

鎔化次下水銀一斤炒作青砂頭炒不見星研末罐盛石版蓋住鐵線縛定鹽泥固濟大火煨之待冷取出貼罐者為銀朱貼口者為丹砂今人多用水銀一斤燒上好水花朱一十四兩八分次朱三兩五錢

治

李樓怪症方治火焰丹毒銀朱調鷄子清塗之。多能鄙事方治湯火灼傷銀朱研細菜油調傳二

次愈。

普濟方

治魚臍疔瘡四面赤中央黑

含

心鑑

銀朱水和丸每服一丸溫酒下名走馬丹

方治

小兒內釣多啼銀朱五分乳香煨蒜各一錢為末研丸黍米大半歲五丸薄荷湯下。唐瑤經驗方治男

女陰毒銀朱輕粉各一錢用五日獨蒜一枚搗和作餅貼手心男左女右以手合定放陰下頃間氣回汗出卽愈但口中微有氣卽活。〔曾世榮活幼全書云〕痰氣結胃鶴頂丹不問陰陽虛實炒過陷胃瀉心等藥用銀朱半兩明礬一兩同碾以熨斗盛火瓦盞盛藥鎔化急刮搓丸每服一錢真茶入薑汁少許服之心上隱隱有聲結胃自散不動臟腑不傷真氣明礬化痰銀朱破積故也。〔普濟方〕治水腫病大便利者銀朱半兩硫黃煨四兩爲末麪糊丸梧子大每飲下三十丸。又方治楊梅毒瘡銀朱官香等分爲末以紙捲作撚點燈置桶中以鼻吸烟一日一作七日愈。又方銀朱二錢孩兒茶一錢龍掛香一錢皂角子一錢爲末如上法用。又方銀朱輕粉各一錢黃臘清油各一兩化開和收以油紙攤貼瘡痂自脫也。○急救方治咽喉疼痛銀朱海螵蛸末等分吹之取涎。又方治瘡疽發背銀朱白礬等分煎湯溫洗却用。

桑柴火遠遠焚之。日三次甚効。〔纂要奇方〕治筋骨疼痛。猩紅三錢。枯礬四錢。爲末。作三紙。熬。每旦以一熬。蘸油點火熏臍。被覆卧之。取汗。〔應急良方〕治日久頑瘡不收。臍瘡不斂者。銀朱一錢。千年地下石灰五分。松香五錢。香油一兩。爲末。化攤紙上貼之。〔簡便方〕治血風。臍瘡生脚股上。乃濕毒成風也。黃蠟一兩。溶化入銀朱一兩。攪攤紙上刺孔貼之。〔集元方〕治黃水濕瘡。銀朱鹽梅和搗傅之。〔醫方摘要云〕癬瘡有蟲。銀朱牛骨髓桐油調搽。〔積德堂方〕治頭上生虱。銀朱浸醋日日梳頭。又方包銀朱紙以盥覆燒之。茶清洗下烟紙揉之。包頭一夜至旦虱盡死。又方銀朱枯礬蒼朮苦參等分。爲末。摻入髮內梳洗。數次。〔禁〕銀朱乃硫黃同汞升鍊而成。其性燥烈。亦能爛銀。攣筋其功過與輕粉同也。今厨人往往以之染色供饌。〔屬〕銀朱真者謂之水華朱。今人多以黃應禁用之。〔屬〕丹及礬紅雜之。其色黃黯。宜辨之。

蜜栗子

蜜栗子主金瘡折傷有效

本草綱目地李時珍云生川廣江浙金坑中有之

質

狀似蛇黃而有刺上有金線纏之亦無名異之類也丹爐家採作五金匱藥制三黃用之

色

紫褐

石炭

有毒

石炭主婦人血氣痛及諸瘡毒金瘡出血小兒痰癰

本草

名

煤炭

石墨

鐵炭

烏金石

焦石

李

綱目

時珍云

石炭即烏金石上古以書字謂之石

墨今俗呼為煤炭煤墨音相近也拾遺記云

地

南北

焦石如炭嶺表錄云康州有焦石即此也

產處亦多昔人不用故識之者少今人以之代薪炊爨煨鍊鐵石大為民利孝經援神契云王者德至山

陵則出墨丹〔水經〕言石炭可書然之難盡烟氣中人

西陽雜俎云〔無勞縣〕出石墨燹之彌年不消〔夷堅志〕

云彰德南郭村井中產石墨宜陽縣有石墨山沂陽

縣有石墨洞燕之西山楚之荊州與國州江西之廬

山袁州澧城贛州皆產石炭可以炊爨並此石也又

有一種石墨舐之粘舌可書字畫眉名畫眉石者即

石墨脂也〔採〕無時土人皆鑿山為〔用〕入藥取堅〔質〕

見石脂下〔時〕穴橫入十餘丈取之〔塊〕如石者〔質〕

有大塊如石而光者有疎散如炭末者俱有硫黃氣

以酒噴之則解昔人言夷陵黑土為劫灰者即此疎

散者〔色〕純〔味〕甘〔性〕溫〔倉〕醫學集成方治金瘡出血急

也〔黑〕速合者加滑石〔普濟方〕治誤吞金銀及錢在腹中

者不能下用光明石炭一杏核大硫黃一皂子大為

末酒下〔張子和儒門事親方〕治腹中積滯烏金石

三兩自然銅為末醋熬一兩當歸一兩大黃童尿浸

晒一兩爲末每服二錢紅花酒一盞童尿半盞同調
食前服日二服○**衛生易簡方**治月經不通巴豆去
油如綠豆大三丸以烏金石末一錢調湯送下卽通
○**張潔古保命集云**產後兒枕刺痛黑白散用烏金
石燒酒淬七次寒水石煨爲末等分**解**人有中煤氣
每用粥飲服一錢半卽止未止再服**毒者**昏瞢至
死惟飲冷水卽解**獨孤滔云**
去錫暈制三黃硃砂硝石

然石 綱目附錄○曹叔雅異物志云豫章有石黃色
而理疎以水灌之便熱可以烹鼎冷則再灌張

華謂之然石
高安亦有之

石麪

無毒

石麪主益氣調中食之止饑

本草

地

李時珍云石麪不常生亦瑞物

也或曰饑荒則生之唐元宗天寶三載武威番禾縣醴泉涌出石化爲麪貧民取食之憲宗元和四年山西雲蔚代三州山谷間石化爲麪人取食之宋眞宗祥符五年四月慈州民饑鄉寧縣山生石腊如麪可作餅餌仁宗嘉祐七年三月彭城地生麪五月鍾離縣生麪哲宗元豐三年五月青州臨朐益都石皆化爲麪人取食之搜集於此以備得石麪者考求云

味甘性平

石芝

石芝本草綱目主延年益壽返老還童品彙續集諸芝搗末或

化水服令人輕身長生不老

葛洪神仙傳

名

葛洪云芝有石木草菌肉

五類各近百種

地

道家有石芝圖石芝者石像芝也生于海隅名山島嶼之涯有積石處

時

採

須齋祭取之

用 **全** **質**

其狀如肉有頭尾四足似生物附於大石間大者十餘斤小者三四斤

色

赤者如珊瑚白者如截肪黑者如澤漆青者如翠羽黃者如紫金皆光明洞徹

味

甘

性

溫熱

製

搗末服之其類有五著明于後以便收採

七明芝九光芝

品彙分錄○葛洪云生臨水高山石崖之間狀如盤盃不過徑尺有莖連

綴之起三四寸有七孔者名七明九孔者名九光光皆如星百步內夜見其光常以秋分伺之搗服方寸匕入口則噏然身熱五味甘美得盡一斤長生不老可以夜視也

玉脂芝

品彙分錄○葛洪云生于有玉之山玉膏流出千百年凝而成芝有鳥獸之形多似元玉

蒼玉及水晶色無常彩採得搗末之以無心草汁和之須臾成水服至一升長生也

石蜜芝

品彙分錄○葛洪云生少室石戶中有深谷不可過但望見石蜜蜂從石戶上入石偃蓋

中良久輒有一滴得服一升長生不老也

石桂芝

品彙分錄○葛洪云生石穴中有枝條似桂樹而實石也高尺許色光明味辛○李時珍

云神仙之說渺茫不知有無然其所述之物則非無也貴州普定分司署內有假山山間有樹根幹枝條皆石其中有葉如榴裊裊茂翠開花似桂微黃嘉靖丁巳僉事焦希程賦詩紀之以比康于斷松化石之事而不知其名今按圖及抱朴子之說此乃石桂芝也又有海邊生石梅枝幹橫斜石栢葉如側栢亦是石桂之類云

土黃

有毒

土黃主枯瘤贅痔乳食癯癰并諸瘡惡肉

本草綱目 味酸辛

性

熱

製

李時珍云用砒石二兩木鼈子仁巴豆仁各半兩硃砂二錢為末和木鼈子油石腦油調

成一塊油裏埋土坑內四十九日取出劈作小塊堯器收之

解

獨孤滔云土黃制雄黃

金剛石

金剛石主磨水塗湯火傷作釵釵服佩辟邪惡毒氣

本草

名

金剛鑽

削玉刀

李時珍云

地

李時珍云

綱目

其砂可以鑽玉補衾故謂之鑽

出西番天竺諸國

葛洪抱朴子云扶南出金剛石生水底石上

周密齊東野語云相傳出西域及回紇高山頂上鷹

準粘帶食入腹中遺糞于河北砂磧間未知然否

元中記云大秦國出金剛一名削玉刀大者長尺許小

者如稻黍着環中可以刻玉觀此則金剛有甚大者
番僧以充佛牙是也十洲記載西海流沙有昆吾石
治之作劍如鐵光明如水精割玉如泥此亦金剛之
大者也又獸有獬及嚙鐵狡兔皆能食鐵其糞皆可
爲兵切玉詳時採于夏秋乘天熱用可以刻玉周密
見獸部獬下時採人可沒水取之齊東野語云玉
人攻玉以恒河之質狀如鍾乳體似紫色青黑色如
砂以金剛鑽鑲之質石英又形如鼠屎色石如鐵
性甚堅雖鐵椎擊製若覺鈍則鍛赤忌葛洪抱朴子
之亦不能傷製冷定卽銳也忌云用羚羊角
扣金剛石則漉然氷泮丹房欲辨真僞燒赤淬醋
鑑源云紫背鉛能碎金剛鑽廣中如故不酥碎者爲
真元中記云金剛石最堅羚羊角又能克之卽可
以悟嗜欲之足以亂真故西方以金剛喻佛性羚羊
角喻煩惱也

砭石 音邊

砭石主刺百病及癰腫

本草綱目

通血脉理氣滯古時用

之

品彙

名

石

地

東山經云高氏之山皆多鐵石

用

郭璞註云鐵石可為砭鍼

質

王冰註云砭石如玉蓋古者以石為鍼季世以鍼代石今人又以瓷鍼刺病亦砭之遺意也

治

素問異法方宜論云東方之域魚鹽之地海濱傍水其病為瘡瘍其治宜砭石故砭石亦從東方來但世無識者豈即石砭之屬為之歟故附石砭于後

石砭

綱目附錄○李時珍云石砭出肅慎國人以枯木為矢青石為鏃施毒中人即死石生山中禹

貢荊州梁州皆貢砭即此石也又南方滕州以青石為刀劍如銅鐵婦人用作環玦琉璃國人墾田以石

爲刀長尺餘
皆此類也

杓上砂

杓上砂主面上風粟或青或黃赤隱暗澀痛及人唇

上生瘡者本家杓上刮去唇砂一二粒卽安

本草綱目 **名**

李時珍云此淘米杓也

治

李時珍方治婦人吹乳取砂七枚溫酒送下更以炊

有木杓瓢杓皆可用

帶枝通乳孔此

皆莫解其理

石鼈

無毒

石鼈主淋疾血病磨水服

本草綱目

地

李時珍云石鼈生海邊

質

形狀

大小儼如麀蟲蓋亦化
成者麀蟲俗名土鼈

味甘
性涼

雷墨

雷墨主小兒驚癇邪魅諸病以桃符湯磨服即安

草 本

綱

名

劉恂嶺表錄云雷州驟雨後人于野中得石

地

目如驚石謂之雷公墨扣之錚然光瑩可愛

雷書云雷州每雷雨大作飛

質

大者如塊小者如指

下如沙石黑色光艷至重

補云雷州多雷秋則伏蟄狀如人

色

李時珍曰按雷

掘取食之觀此則雷果有物矣

書云凡雷書木

石謂木札入二三分青黃色或云雄黃青黛丹
砂合成以雷楔書之或云蓬萊山石脂所書

湯瓶內鹼

湯瓶內鹼主止消渴以一兩爲末粟米燒飯丸梧子

大每服人參湯下二十丸

本草綱目

地

李時珍云此煎湯瓶內澄結成水鹼

如細沙

治

李時珍方小兒口瘡臥時以醋調末書十字兩足心驗

倉

聖濟錄云消渴引飲

湯瓶內鹼葛根水萍焙等分每服五錢水煎服又方湯瓶內鹼菝葜根炒各一兩烏梅連核二兩焙爲散每服二錢水一盞石器煎七分溫呷日一服

馬肝石

馬肝石主和九轉丹吞一粒彌年不饑亦可作硯

綱目

總附諸

地

郭憲洞冥記云郅支國進馬肝石百片

收

以金函盛之水銀養之

用

拭白髮應

石內

手皆
質 如馬
肝
色 青
黑

豬牙石

豬牙石主明目去翳

綱目總附
諸石內

地

李時珍云
出西番

質

文理
如象

牙

色

如棗
紅

碧霞石

碧霞石主明目去翳障

綱目總附
諸石內

龍涎石

龍涎石主大風癩瘡

綱目總附
諸石內

名

李時珍云
一
名龍仙石

地

出
齊

州者
爲上

鉛光石

鉛光石主骨哽

綱目總附
諸石內

太陽石

太陽石主目疾諸症

綱目總附
諸石內

倉

劉守眞宣明方治
遠年近日一切目

疾用太陽石太陰石碧霞石豬牙石河洛石寒水石
紫石英代赭石菩薩石金精石銀精石禹餘石礬礬
石雲母石爐甘石井泉石陽起石滑石烏賊骨青鹽
銅青各一兩礪砂半兩蜜陀僧一兩礪砂三錢乳香
二錢麝香腦子一錢輕粉一錢五分黃丹四兩各爲
末熊膽一斤白砂蜜二斤井華水九盞同熬至四盞

點水內不散爲度濾淨收點此方所用
太陽石太陰石等多無考證以俟識者

朶梯牙

朶梯牙主明目去翳

綱目總附
諸石內

倉

周憲王普濟方治
眼去翳用水飛朶

梯牙火煨大海螺碗糖霜爲末日點。又方用可鐵
刺一錢阿飛勇一錢李子樹膠四錢白雪粉八錢爲
末鷄子白調作錠每以乳女兒汁磨點之。又方用
安咱蘆出回回地面黑丁香卽蠟糞海螵蛸各爲末
日點所謂朶梯牙鹽糖霜安咱蘆可鐵刺阿
飛勇皆不知何物也并附于此亦俟識者

錫恡脂

錫恡脂主目生翳膜用火燒銅鍼輕點乃傳之不痛

又主一切風氣及三焦消渴飲水並入丸藥用

本草綱目

名

銀礦

地

李時珍云

此乃波斯國

舍

普濟方

治小

悉蘭脂

銀鉶也

一作悉蘭脂

見天弔多涎

搗搗不定錫恡脂一兩水淘黑汁令盡水銀一分以小棗肉研不見星牛黃半分麝香半分研勻粳米飯丸黍米大每服三十二丸新汲水下名保命丹

鐵斧

鐵斧主婦人產難橫逆胞衣不出燒赤淬酒服亦治

產後血痕腰腹痛

綱目總錄

用

李時珍云

古人轉女

為男法懷妊三月名

曰始胎血脉未流象形而變是時宜服藥用斧置牀底繫刃向下勿令本婦知恐不信以鷄試之則一窠

皆雄也蓋胎化之法亦理之自然故食牡雞取陽精之全於天產者佩雄黃取陽精之全於地產者操弓矢藉斧斤取剛物之見於人事者氣類潛感造化密移物理所必有故妊婦見神像異物多生鬼怪卽其徵矣象牙犀角紋逐象生山藥鷄冠形隨人變以鷄卵告竈而抱雛以茗帚掃猫而成孕物且有感况於人乎

治

陳藏器云凡人身有弩肉可聽人家釘棺下斧聲之時便下手連擦二七遍以後自得消平產

婦勿宜用

大刀環

大刀環主產難數日不出燒赤淬酒一盃頓服

綱目總錄

諸鐵

器內

剪刀股

剪刀股主小兒驚風錢氏有剪刀股丸用剪刀環頭

研破煎湯服藥

綱目總錄
諸鐵器內

鐵鑊

鐵鑊主胃熱呃逆用七十二個煎湯啜之

綱目總錄
諸鐵器內

馬鐙

馬鐙主田野燐火人血所化或出或沒來逼奪人精

氣但以馬鐙相戛作聲卽滅

綱目總錄諸鐵器內○
張華云金葉一振遊光

飲色其斯
之謂歟

黃土

無毒

原本註好土
綱目改黃土

黃土主洩痢冷熱赤白腹內熱毒絞結痛下血取乾

土水煮三五沸絞去滓暖服一二升

本草拾遺

名

陳藏器云張司

空言三尺以上曰糞三尺以下曰

味

甘

性

平

治

劉跂

土凡用當去上惡物勿令入客水

味

甘

性

平

治

錢乙

傳云元豐中皇子儀國公病瘕癰國醫未能治長公

主舉乙入進黃土湯而愈神宗召見問黃土愈疾之

故乙對曰以土勝水水得其平則風自退爾上悅擢

太醫丞又夷堅志云吳少師得疾數月消瘦每日飲

食入咽如萬蟲攢攻且痒且病皆以爲勞瘵迎明醫

張銳診之銳令明旦勿食遣卒詣十里外取行路黃

土至以溫酒二升攪之投藥百粒飲之覺痛幾不堪
及登溷下馬蝗千餘宛轉其半已困死吳亦憊甚調
理三日乃安因言夏月出師燥渴飲澗水一盃似有
物入咽遂得此疾銳云蟲入人臟勢必孽生饑則聚
啞精血飽則散處臟腑苟知殺之而不能掃取終無
益也是以請公枵腹以誘之蟲久不得土味又喜酒
故乘饑畢集一洗而空之公大喜厚賂謝之以禮送
歸○**小兒秘訣**云烏沙驚風遍身多烏者急推向下
將黃土一盃搗末入久醋一鍾炒熱包定慰之引下
至足刺破爲妙○**陳藏器**本草云治卒患心痛畫地
作五字撮取中央土水和一升服良○**肘後方**治目
卒無所見用黃土攪水中澄清洗之○**救急方**治小
兒吃土用乾黃土一塊研末濃煎黃連湯調下○又
方治牛馬肉毒及肝毒取好土三升水煮清一升服
卽愈一方入頭髮寸截和之髮皆貫肝而出也○**談**
野翁方治湯火傷灼醋調黃土塗之○**集簡方**治蜈

蜈蚣螫傷畫地作土字內取土糝之即愈。千金方治蜂蟻叮螫反手取地上土傳之或入醋調塗。又方治蠅蝮尿瘡畫地作蠅蝮形以刀細取腹中土嚙和塗之再塗即愈。孫真人云予得此疾經五六日不愈或教此法遂瘳乃知萬物相感莫曉其由也。孫真人千金方治癩撲將死一切傷損從高墜下及木石所迫落馬撲車淤血凝滯氣絕將死者亦活用淨土五升蒸熱以故布重裹作二包更互熨之勿大熱恐破肉候痛止則含孫氏集效方治內痔痛腫朝陽黃已此神效之方。土黃連末皮硝各一兩用猪膽汁同研如泥每日旋丸棗大納入肛內過一夜隨大便去之內服烏梅黃連二味丸藥。攝生方治杖瘡未破乾黃土末童尿入鷄子清調塗刷上乾即上隨以熱水洗去復刷復洗數十次以紫轉紅爲度仍刷兩胯以防血。陳藏器云土氣久觸令人面黃掘土犯攻陰也。禁地脉令人上氣身腫掘土犯神殺令人

生腫
解
陳藏器云解諸藥毒中
肉毒合口椒毒野菌毒

太陽土

太陽土
本草綱目主小兒病氣喘因人家動土犯禁即按

九宮看太陽在何宮取其土煎湯飲之喘即定
醫學正傳

千步峰

千步峰主便毒初發用生薑蘸醋磨泥塗之
本草綱目
地

李時珍云此人家行步地上高起土也乃人往來鞋履沾積而成者技家言人宅有此主興旺

燒尸場上土

燒尸場上土主邪瘧取帶黑土同葱搗作丸塞耳或

繫臍上即止男左女右

本草綱目

治

本草拾遺云燒人灰置枕中履中能止好

覺多夢。

何氏方

治尸厥卒死不知人事者燒尸場

上土二三錢插細湯灌之即活如無以竈心土代之

○**集簡方**

治小兒夜啼燒尸場上土置兒枕邊。○**集**

元方治脚底多汗燒人場上土鋪于鞋底內蹉之灰

亦可

用

蜣螂轉丸

無毒

原本註蛄蜣轉丸綱目改蜣螂轉丸

蜣螂轉丸主療傷寒時氣黃疸煩熱及霍亂吐瀉湯

淋絞汁服

本草拾遺

名

土地

地

陳藏器云

此蜣螂所推丸也藏在土中必掘地而得之

用彌久
者佳質正圓如人
捻作成者
色青
味鹹
性大
治陳藏器方用
燒存性酒服

治項瘰并塗一切瘻瘡

螺螄泥

螺螄泥主反胃吐食用螺螄一斗水浸取泥晒乾每

服一錢火酒調下
本草
性涼

白鰾泥

白鰾泥主火帶瘡水洗取泥晒乾炒研香油調傅
草本

綱目

犬尿泥

犬尿泥主妊娠傷寒令子不落塗腹上乾卽易

本草綱目

尿坑泥

尿坑泥主蜂蠍諸蟲咬取塗之

本草綱目

糞坑底泥

糞坑底泥主發背諸惡瘡陰乾爲末新水調敷其痛

立止

本草綱目

倉

聖濟總錄云

治疔腫用糞下土蟬蛻全蠍等分搗作餅如錢大香油煎滾溫服

以滓傳瘡四圍疔自出也

簷溜下泥

簷溜下泥主豬咬蜂螫蟻叮蛇傷諸毒並取塗之又

和羊脂塗腫毒丹毒

本草綱目

治

肘後方

治蠍螫蟻螫叮蠍有雌雄雄者痛在一處

以井底泥封之乾則易雌者痛牽諸處以瓦溝下泥封之若無雨以新汲水從屋上淋下取泥

田中泥

田中泥主馬蝗入人耳取一盆枕耳邊聞氣自出人

誤吞馬蝗入腹者酒和一二升服當利出

本草綱目

烏爹泥

無毒

烏爹泥主清上膈熱化痰生津塗金瘡一切諸瘡生

肌定痛止血收濕本草綱目名烏疊泥孩兒茶李時珍云烏爹或作烏丁皆番

語無地出南番瓜哇質其塊小而潤澤者為上色紫黑

正字味苦性平製今雲南老撾暮雲場地方造之云是細茶末入竹筒中堅塞兩頭埋汚泥溝中

日久取出搗治本草權度方鼻淵流倉積德堂方治汁熬製而成水孩兒茶末吹之良走馬牙疳用

孩兒茶雄黃貝母等分為末米泔漱淨搽之效。又方治牙疳口瘡孩兒茶礪砂等分為末搽之。外科

方治下疳陰瘡用孩兒茶末米泔洗淨傳之神效或加胡黃連等分。纂奇方孩兒茶一錢珍珠一分片

腦半分為末傳之。唐氏方用孩兒茶一錢輕粉一分片腦一字為末搽之。孫氏集效方治瘡痔腫痛

孩兒茶麝香爲末噀津調傳。董炳方治脫肛氣熱
孩兒茶二分熊膽五分片腦一分爲末人乳搽肛上
熱汁自下而肛
收也亦治痔瘡

土墜音急

土墜主婦人鼈瘕及頭上諸瘡

本草綱目名煤地李時珍

燒石灰窰中質輕色赭治李時珍方凡人生痰核如

流結土渣也指大紅腫者爲末以菜子

油調搽其腫卽消或陸氏積德堂方治白禿臘梨

出膿以膏藥貼之灰窰內燒過紅土墜四兩百

甘鍋

草霜一兩雄黃一兩膽礬六錢榆皮三錢輕粉一
錢爲末豬膽汁調剃頭後搽之百發百中神方也

甘鍋主偏墜疝氣研末酒調服二錢

本草綱目

名 銷金地

李時珍云吳人收瓷器屑碓春爲末篩澄取粉呼爲滓粉用膠水和劑作鍋以銷金銀者治煉眉瘡湯火瘡研末入輕粉少許傅之鍋上熬爛肉

砂鍋

砂鍋主消積塊黃腫用年久者研末水飛過作丸每

服五錢酒送下

本草綱目

地 李時珍云沙土埏埴燒成者

煙膠

煙膠主頭瘡白禿疥瘡風癬癢痛流水取牛皮竈岸

爲末麻油調塗或和輕粉少許

本草綱目 **地** 李時珍云此乃熏消牛皮

竈上及燒瓦

倉

積德堂方治牛皮血癬用煙膠三錢

竈上黑土也

寒水石三錢白礬二錢花椒一錢五

分爲末臘豬脂調搽○聖濟錄云消渴引飲瓦竈突

上黑煤乾似鐵屎者半斤爲末入生薑四兩同搗絹

袋盛水五升浸汁每飲五合○陳藏器云胞衣不下竈突後黑土三指撮五更酒下

門白塵

門白塵主止金瘡出血

本草綱目 **治** 李時珍云治諸般毒瘡切蒜蘸塵擦瘡至

出汗
卽消

香爐灰

香爐岸附

香爐灰主跌撲金刃傷損罨之止血生肌○香爐岸

主疥瘡

本草綱目

石鹼

微毒

石鹼主去濕熱止心痛消痰磨積塊化食滯洗滌垢

膩

衍義補遺

殺齒蟲去目翳療噎膈反胃同石灰爛臙肉

潰癰疽瘰癧去瘀肉點痣靨疣贅痔核神效

本草綱目名

灰鹼

地

李時珍云

石鹼出

質

狀如石類鹼

色

有黃白二種

花鹼

地

山東濟寧諸處

故亦得鹼名

二種

味

辛苦性

溫

製

彼人採蒿蓼之屬開窖浸水漉起晒乾燒灰以原水淋汁每百引入粉麩二三

斤久則凝淀如石連汁貨之四方磨衣發麪甚獲利也他處以竈灰淋濃汁亦去垢發麪治普濟

一切目疾白鹼揀去黑碎者厚紙七層包掛風處四十九日取研極細日日點之。儒門事親方治蟲牙

疼痛花鹼填。摘元方消積破氣用石鹼三錢山查孔內立止。三兩阿魏五錢半夏皂莢水制過一

兩爲末以阿魏化醋煮糊丸服。又方拳毛倒睫用刀微劃動以藥泥眼胞上睫自起也石鹼一錢石灰

一錢醋調塗之。聖濟錄云點痣鷹虎贅用花鹼礦灰小麥稈灰汁煎二味令乾等分爲末以針刺破水

調點之三日三上。朱震亨云量虛卽去須新合乃效。禁實用過服損人

亭部中土。綱目附錄藉田土內。陰陽雜書云取作泥塗竈水火盜賊不經塗屋四角鼠不食

蠶塗倉困鼠不食稻塞穴百日鼠皆絕去

潦水

無毒

潦水主煎調脾胃去濕熱之藥

本草綱目

名

李時珍云降注雨水謂之

潦又淫雨為潦韓退之詩云潢

潦無根源朝灌夕已除是矣

地

國風云于彼行潦大雅云河酌彼行

潦左傳云潢汙行

用

大雅云挹彼注茲可以饒饕左

潦之水是其地也

用

傳云可薦于鬼神可饗于王公

是其

味

甘

性

平

治

成無已云張仲景治傷寒瘀熱在裏身上發黃必用潦水煎麻黃連

輶赤小豆湯取其味薄

而不助濕氣利熱也

神水

無毒

神水主心腹積聚及蟲病和鰾肝為丸服

本草綱目

名

端午

雨**地**藏**在竹****時**生于五月五**採**于午**時****收**金門記云

竿中者**日午時**內取之**五月五日**

午時有雨急伐竹竿**用**歷取**味**甘**性**寒**治**李時珍云

中必有神水即收之**為藥**得飲神水

能清熱化痰定驚安神此雨罕逢惜乎不易得耳

阿井水

無毒

阿井水主下膈疏痰止吐**本草綱目**李時珍云阿井在

古東阿**用**沈括筆談云古說濟水伏流地中今歷下

縣也**凡發地下皆是流水東阿亦濟水所經取**

井水煮膠謂之阿膠又青州范公泉亦**質**其性趣下

濟水所注其水用造白丸子利膈化痰**清而且重**

用攪濁**色**管子云齊之水其泉青白其人堅勁寡

水則清**有疥癰終無消醒水性之不同如此****味**

甘平
性
治 烏井水性重故能治
屬 李時珍云陸羽烹
茶尚辨天下之水

性美惡烹藥者反不知辨此豈不誤哉

山岩泉水 無毒倘遇驟雨後不宜飲之有大毒

山岩泉水主霍亂煩悶嘔吐腹空轉筋恐入腹宜多

服之名曰洗腸勿令腹空空則更服人皆懼此然嘗

試有效但身冷力弱者防致臟寒當以意消息之
草

拾名 爾雅云水正出曰檻泉懸
地 李時珍云此山岩
遺 出曰沃泉反出曰汎泉
地 土石間所出泉流

于溪澗者也 小雅云威沸
用 爾雅云其泉源遠清冷
檻泉是正出泉水之地耳
用 或山有玉石美草木者

為良味甘性平禁陸羽云凡瀑湍激湍之水飲之令人有頸疾。汪穎云昔在潯陽忽一日

城中馬死數百詢之云數日前雨洗出山谷中蛇蟲之毒馬飲其水然也忌爾雅云其山

惡草者不可用

車轍中水

車轍中水主癰瘍風取洗之甚良牛蹄中水亦可

本草

綱目名李時珍云轍乃車行跡也時採五月五日取之

蠶水

無毒

蠶水主吐諸痰飲宿食

本草綱目

名

李時珍云此乃作黃蠶水也

味

鹹酸

氣 酸苦涌泄
為陰也

磨刀水 無毒

磨刀水主利小便消熱腫
本草綱目 味鹹性寒治
活人心

中卒痛磨刀鐵漿滴入即愈
集簡方 治小便不通

磨刀交股水一盞服之效
又方治肛門腫痛欲作

痔瘡急取磨刀
扁鵲云 盤腸生產腸乾不上者以

磨水服甚効
磨刀水 少潤腸煎好磁石一盃溫

服自然
救急方 解蛇咬毒攻入腹以

收上
兩刀於水中相摩飲其汁即

能解其

毒矣

銅壺滴漏水

銅壺滴漏水

本草綱目

主上可至顛下可至泉宜煎四末

之藥

醫學正傳

性

滑

浸藍水

無毒染布木附

浸藍水主除熱解毒殺蟲○染布木療咽喉病及噎

疾溫服一鍾良

本草綱目

味

辛苦

性

寒

治

李時珍云誤吞水蛭成積脹痛黃瘦

蛭聚腹中飲浸

解

浸藍水染布水皆取藍及石炭能殺蟲解毒之義昔有人因醉飲田

藍水取下即愈

中水誤吞水蛭胸腹脹痛面黃遍醫不効因宿店中渴甚誤飲此水大瀉數行平明視之水蛭無數其病

頓愈

也

洗手足水

洗手足水

本草綱目

主病後勞復或因梳頭或食物復發

取一合飲之效

太平聖惠方

洗兒湯

洗兒湯

本草綱目

主胎衣不下服一盞勿令知之

延年秘錄

纈綠湯

纈綠湯

品彙續集

主止消渴大驗

本草綱目

地澠

綱目附錄石腦油內云李時珍云溝澗流水及引水灌田之次多有之形狀如油又如泥色如

黃金甚腥烈冬月收取以柔鐵燒赤投之二三次剛可切玉

陽火陰火

陽火陰火主造化兩間生殺萬物顯仁藏用神妙無窮合天地人而言之陽火有六陰火有六共十二焉諸陽火遇草而炳得木而燔可以濕伏可以水滅諸陰火不焚草木而流金石得濕愈焰遇水益熾以水折之則光焰詣天物窮方止以火逐之以灰撲之則灼性自消光焰自滅故人之善反於身者上體於天

而下驗於物則君火相火正治從治之理思過半矣

本草

綱目

天之陽火二太陽真火也星精飛火也

赤物噉噉降則有灾俗呼

火殃天之陰火二龍火也雷火也

龍口有火光霹靂之火神火也

地之陽火三鑽木之火也擊石之火也憂金之火也

地之陰火二石油之火也

見綱目石腦油內

水中之火也

江

河海夜動有火或云

水神夜出則有火光

人之陽火一丙丁君火也

心小腸離火也

人之陰火二命門

相火也

起於北海遊行三焦寄位肝膽

三昧之火也

純陽乾火也

又有蕭丘之寒火

抱朴子外篇云蕭丘在南海中上有自然之火春生秋滅生一種木

但小焦黑

又陸游云

火山軍其地鋤耘

澤中之陽焰

深入則有烈焰不妨種植亦寒火也

素問王冰註云狀

野外之鬼燐

其火色青其狀如炬或聚或散俗呼鬼火

如火焰起於水面

或云諸血之燐光也

金銀之精氣

凡金銀玉寶皆夜有火光

此皆似火而不

能焚物者也至於樟腦猾髓皆能水中發火

樟腦見木部猾

髓見獸部

濃酒積油得熱氣則火自生

燒酒醇酒得火氣則自焚油滿百石

則火自生油紙油衣油鐵得熱氣蒸激皆自生火也

南荒有厭火之民

國近黑崑崙人

能食 食火之獸 〔原化記云〕禍斗獸狀如犬而 西戎有

火炭

食火糞復爲火能燒人屋

食火之鳥

駝鳥見禽部

火鴉蝙蝠能食焰煙火龜火鼠生

於火地

火龜見魚部龜下火鼠見獸部鼠下

此皆五行物理之常而乍

聞者目爲怪異蓋未深詣乎此理故爾復有至人人

水不溺入火不焚入金石無礙步日月無影斯人也

與道合真不知其名謂之至人蔡九峰止言木火石

火雷火水火蟲火燐火似未盡該也

以上俱本草綱目○朱震亨云

太極動而生陽靜而生陰陽動而變陰靜而合而生水火木金土各一其性惟火有二曰君火人火也曰

相火天火也火內陰而外陽主乎動者也故凡動皆屬火以名而言形氣相生配于五行故謂之君以位而言生於虛無守位稟命因其動而可見故謂之相天主生物故恒於動人有此生亦恒於動動者皆相火之爲也見於天者出於龍雷則木之氣出於海則水之氣也具於人者寄於肝腎二部肝木而腎水也膽者肝之腑膀胱者腎之腑心包絡者腎之配三焦以焦言而下焦司肝腎之分皆陰而下者也天非此火不能生物人非此火不能自生天之火雖出於木而皆本乎地故雷非伏龍非蟄海非附於地則不能鳴不能飛不能波也鳴也飛也波也動而爲火者也肝腎之陰悉具相火人而同乎天者也然而李東垣以火爲元氣之賊與元氣不兩立一勝則一負者何哉周子曰神發知矣五性感物而萬事出有知之後五者之性爲物所感而動卽內經五火也五性厥陽之火與相火相扇則妄動矣火起於妄變化莫測煎

熬真陰陰虛則病陰絕則死君火之氣經以暑與濕言之相火之氣經以火言之蓋表其暴悍酷烈甚於君火也故曰相火元氣之賊周子又曰聖人定之以中正仁義而主靜朱子曰必使道心常爲一身之主而人心每聽命焉夫人心聽命而又主之以靜則彼五火之動皆中節相火惟有裨補造化以爲生生不息之運用爾何賊之有或曰內經止于六氣言火未言及臟腑也曰岐伯歷舉病機一十九條而屬火者五諸熱瞋瘵皆屬於火諸逆衝上皆屬於火諸躁狂越皆屬於火諸禁鼓慄如喪神守皆屬於火諸病附腫疼酸驚駭皆屬於火是也劉河間云諸風掉眩屬於肝風火也諸氣膹鬱屬於肺燥火也諸濕腫滿屬於脾濕火也諸痛痒瘡屬於心鬱火也是皆火之爲病出於臟腑者然也李時珍云以陳無擇之通敏猶以暖溫爲君火日用之火爲相火無怪乎後人之聾瞽也

燧火

燧火

本草綱目

主救人四時之疾因時鑽取因病而用五

色之火煎五臟之藥

品彙續集

名

榆柳木火

杏棗木火

桑柘木火

柞櫟木

火槐

時

生

四時

採

春夏季夏

用

取于四時配合五臟

質

先百

檀木

火

四季

秋冬

取之

其火色青杏棗之木心赤故夏取

其火色黃

柞櫟之木裡白故秋取之其火色白

青赤黃

性熱

木而青故春取之其火色青杏棗之木心赤故夏取

之其火色赤桑柘之木肌黃故季夏取之其火色黑

色

白黑

性

熱

氣

上炎升也陰中之陽也

治

李時珍云周官司燿氏四時變國火以救時疾季春出火季秋納火

民咸從之蓋人資于火食者疾病壽夭生焉因時鑽燧取新火以爲飲食之用依歲氣而使無亢不及所

以救民之時疾也

禁

道書云竈下炭火謂之伏龍屎不可焚香祀神

解

天文大火之次于星為心

季春龍見于辰而出火于時為暑季秋龍伏于戌而納火于時為寒順天道而百工之作息皆因之以免水旱災傷

屬

後世寒食禁火乃季春改火之流行也遺意而俗作介推事謬矣

桑柴火

桑柴火主癰疽發背不起瘀肉不腐及陰瘡癰瘰流注膿瘡頑瘡然火吹滅日炙二次未潰拔毒止痛已

潰補接陽氣去腐生肌

本草綱目

用

李時珍云桑木能利關節養津液得火則

拔引毒氣而祛逐風寒所以能去腐生新

製

凡一切補藥諸膏宜此火煎之

治

朱震亨云火以暢達

拔引鬱毒此助抱朴子云一切仙藥不得桑煎不服
從治之法也桑乃箕星之精能助藥力除風寒痺
諸痛久服終身行陳藏器云桑柴忌此火不可
不患風疾故也火灸蛇則足見點艾傷肌

白炭火

白炭火主誤吞金銀銅鐵在腹燒紅急爲末煎湯呷

之甚者刮末三錢井水調服未效再服

本草綱目地燒木爲炭

處處有之諸木皆可燒炭

用白炭性堅木久則腐而炭入土不腐者木有生

性炭無生性也堊家用炭能使蟲蟻不入竹木之根

自回亦緣其無生性耳古者冬至夏至前二日垂土

炭于衡兩端令勻陰氣至

質長短不等色生紅性溫

則土重陽氣至則炭重也

大小不齊死黑熱

氣

炎可升可降陰中之陽也陽中之陰也

治

百一方治白癩頭瘡用白炭燒紅投沸湯中溫洗之

取效

○千金方

治卒然咽噎用炭末蜜丸含

嚥

○濟急方

治湯火灼瘡用炭末香油調塗

倉

聖惠方治

白虎痛風日夜走注百節如嚙用炭灰五升蚯蚓泥屎一升紅花七捻和熬以醋拌之用故布包作二包

更互熨痛

解

李時珍云

解水銀輕粉毒帶火炭納水

處取效

解

底能取水銀出也上立炭帶之辟邪惡

鬼氣除夜立之戶

內亦辟邪惡崇氣

櫟木炭火主煨鍊一切金石藥

品彙分錄

○周王普濟方久近腸風下氣

用緊炭三錢枳殼燒存性五錢為末每服三錢五更米飲下一服天明再服當日見效忌油膩毒

煇炭火主烹煎焙炙百藥丸散

品彙分錄

○陳氏經方陰囊濕痹用麩

炭紫蘇葉

末撲之

蘆火竹火

蘆火竹火主煎一切滋補藥

本草綱目

用

李時珍云陳蘆

強不損藥力也桑柴火取其能助藥力煇炭取其力
慢爍炭取其力緊溫養用糠及馬屎牛屎者取其緩
而能使藥力勻徧也製凡服湯藥雖品物專精修治如法而煎
亦無功觀夫茶味之美惡飯味之甘饒皆係于水火
烹飪之得失即可推矣是以煎藥須用小心老成人
以深罐密封新水活火先武後文如法服之未有不效者

艾火

艾火主灸百病若灸諸風冷疾入硫黃少許尤良

本草

綱用

李時珍云凡灸艾火宜用陽燧火珠承日取太

目

陽真火其次則鑽槐取火為良若急卒難備即

用真麻油燈或蠟燭火以艾莖燒

性

溫

氣

炎陰中

之陽也

禁

點於炷滋潤灸瘡至愈不痛也

憂金擊石鑽燧八木之火皆不可用

邵子云

火

忌

謂

無體因物以為體金石之火烈於草木之火也

八木者松火難瘥栢火傷神多汗桑火傷肌肉柘火

傷氣脉棗火傷內吐血橘火傷營衛經絡榆火傷骨

矢志竹火傷筋損目也

南齊書載武帝時有沙門從

北齊賁赤火來其火赤於常火而小云以療疾貴賤

爭取之灸至七炷多得其驗吳興楊道慶虛疾二十

年灸之即瘥咸稱為聖火詔禁之不止不知此火何

物之火而

能愈疾也

陽燧

綱目附錄。李時珍云火鏡也以銅鑄成其面凹摩熱向日以艾承之則得火周禮司烜氏以

火燧取明火

于日是矣

火珠

見本部水精下

神鍼火

神鍼火主心腹冷痛風寒濕痺附骨陰疽凡在筋骨

隱痛者鍼之火氣直達病所甚效

本草綱目

名

桃枝木針火

地

向東引

時

採五月五日取之

收

取桃枝削為木針如雞子大長五六寸乾之

用

李時

桃樹枝

珍云用時以綿紙三五層襯于患處

將鍼蘸麻油點着吹滅乘熱針之

雷火神針

品彙分錄

○李時珍云

用時于燈上點着

吹滅隔紙十層乘熱鍼于患處熱氣直入病處其效更速製法用熟蘄艾一兩乳香末藥穿山甲硫黃雄黃草烏頭川烏頭桃樹皮末各一錢麝香五分爲末拌艾以厚紙裁成條鋪艾藥於內緊捲如指大長三四寸收貯瓶內埋地中七七日取出應用鍼時忌冷水

火鍼

火鍼主風寒筋急攣引痺痛或癰緩不仁者鍼下疾出急按孔穴則疼止不按則疼甚癥塊結積冷病者鍼下慢出仍轉動以發出汚濁癰疽發背有膿無頭

者鍼令膿潰勿按孔穴凡用火鍼太深則傷經絡太淺則不能去病要在消息得中鍼後發熱惡寒此爲

中病凡面上及夏月濕熱在兩腳時皆不可用此

本草

綱

名

燔鍼

燔鍼

燒鍼

煨鍼

李時珍云火鍼

目

者素問所謂燔鍼燔鍼也張仲景謂之燒鍼川

蜀人謂

製

其法麻油滿盞以燈草二十七莖點燈將鍼

之煨鍼

頻塗麻油燒于燈上令通赤用之不赤或

冷則反損人且不能去病也其鍼須用火筋

治

素問

鐵造之爲佳點穴墨記必要明白差則無功

云病

在筋調之筋燔鍼切刺其下及筋急者病在骨調之

骨燔鍼藥熨之又靈樞經敘十二經筋所發諸痺痛

皆云治在燔鍼切刺

禁

又云經筋之病寒則反折筋

以知爲度以痛爲輸

急熱則縱弛不收陰痿不用

焮刺者焮寒急也縱緩不收者無用燔鍼觀此則燔
鍼乃爲筋寒而急者設以熱治寒正治之法也而後
世以鍼積塊亦假火氣以散寒洞而發出汚濁也或
又以治癰疽者則是以從治之法潰泄其毒氣也而
昧者以治傷寒忌張仲景云太陽傷寒加溫鍼必發
熱病則非矣驚營氣微者加燒鍼則血流不行
更發熱而煩躁太陽病下之心下痞表裏俱虛陰陽
俱竭復加燒鍼胸煩面色青黃膚潤者難治此皆用
鍼者不知往哲設鍼之解又凡肝虛目昏多淚或風
理而謬用以致害人也赤及生翳膜頑厚成病後
生白膜失明或五臟虛勞風熱上衝于目生翳並宜
熨烙之法蓋氣血得溫則宣流得寒則凝澀故也其
法用平頭鍼如翳大小燒赤輕輕當翳
中烙之烙後翳破卽用除翳藥傳點之

燈火

燈火主小兒驚風昏迷搐搦竄視諸病初生時因胃風寒氣將絕者勿斷臍急烘絮包之將胎衣烘熱用燈炷於臍下往來燎之煖氣入腹內氣回自甦又燒

銅匙柄熨烙眼弦內去風退赤甚妙

本草綱目

用

凡燈惟用胡麻

油蘇子油然者

治

李時珍云治頭風脹痛視頭額太陽絡脉盛處以燈心蘸麻油點燈

能明目治病

治頭風脹痛視頭額太陽絡脉盛處以燈心蘸麻油點燈

燂之良外痔腫痛者亦燂之

濟急方治攪腸沙痛

陰陽腹疼手足冷但身上有紅點以燈草蘸油點燈

燂於點上

小兒驚風秘訣云治諸驚仰向後者燈

火燂其顙門兩眉際之上下眼翻不下者燂其臍之

上下不省人事者燂其手足心心之上下手拳不開

口往上者燂其頂心兩手心撮口出白沫者燂其口

上下手足心。○**濟急方**治百

蟲咬傷以燈火熏之出水妙

倉

方廣心法附餘治楊

銀硃各二錢白花蛇一錢共爲末作紙撚七條初日

用三條自後日用一條香油點燈于烘爐中放被內

蓋卧勿透風須食飽口含椒茶熱則吐去再含。○**神**

燈熏法用銀硃二錢孩兒茶龍掛香皂角子各一錢

爲末以紙捲作燈心大長三寸每用一條安燈盞內

香油浸點置水桶中以被圍坐用鼻吸煙曠之口含

冷茶熱則吐去日熏二次三日後口中破皮以陳醬

水漱之。○**神燈照法**治楊梅瘡年久破爛坑陷者用

銀硃水粉線香各三錢乳香末藥各五分片腦二分

爲末以紙捲作撚浸油點燈照瘡日三次七日見效

須先服通聖散數貼臨時口含椒茶以防毒氣入齒

也。○**集元方**治年深疥癬遍身延蔓者硫黃艾葉研

勻作撚浸油點燈于被中熏

之以油塗口鼻耳目露之

禁

李時珍云諸魚油諸禽獸油諸菜子油綿

花子油桐油豆油石腦油諸燈煙皆能損目亦不治病也

解

油能去風解毒火能通經故也

燭燼

燭燼主疔腫九漏

本草綱目

用

李時珍云燭用蜜蠟和油者燼可入藥

倉

疔腫

同胡麻鍼砂等分爲末和醋傳之又治九漏同陰乾馬齒莧等分爲末以泔水洗淨和蠟豬油傳之日三

上

禁

蟲蠟燭牛脂燭燼俱不可用

本草品彙精要續集卷之一

本草品彙精要續集目錄

卷之二

草部

正續三十六種 附續二種
有名未用雜草四十種

鎖陽

遺出補

三七

目綱

土當歸

目綱

水仙

編出會

吉利草

目綱

硃砂根

目綱

金絲草

目綱

蜘蛛香

目綱

線香

目綱

瑞香

目綱

茉莉

汪素馨

指甲花附

野菊

遺出拾

千年艾

目綱

黃花蒿

目綱

燕脂開寶

箬綱目

淡竹葉綱目

迎春花綱目

剪春羅綱目

金盞草救荒本草

狗尾草綱目

水楊梅綱目

半邊蓮李時珍壽域方

紫花地丁綱目

漏藍子綱目

曼陀羅花綱目

醉魚草綱目

鳳仙綱目

番木鱉綱目

黃藤綱目

月季花綱目

九仙子綱目

蘋本草拾遺

水藻名醫別錄

虎耳草綱目

白龍鬚綱目

雜草

樹孔中草

猪窠草

牛齡草

盧精

九龍草

荔枝草

水銀草

透骨草

蛇眼草

蛇魚草

九里香草

白筵草

環腸草

劄耳草

銅鼓草

野芩草

織霞草

牛脂芳

天仙蓮

鴨脚青

雙頭蓮

豬藍子

天芥菜

佛掌花

郭公刺

邊箕柴

碎米柴

羊屎柴

山枇杷葉

三角風

葉下紅

滿江紅

隔山消

石見穿

醉醒草

墓頭回

羊茅

阿兒只

阿息兒

奴哥撒兒

本草品彙精要續集卷之二

太醫院

吏目臣王道純
醫士臣江兆元 奉

旨纂輯

草部

瑣陽

無毒

瑣陽

出補遺

主大補陰氣益精血利大便虛人大便結

燥者啖之可代茯苓煮粥彌佳不燥結者勿用

朱震亨

潤燥養筋治痿弱

本草綱目

地

李時珍曰瑣陽出肅州按
陶九成輟耕錄云瑣陽生

韃靼田地野馬或與蛟龍遺精入地久之乃生收土人掘取洗滌質形如竹筍上豐

下儉鱗甲櫛比筋脉連絡絕類男陽即肉蓯蓉之類土人掘取洗滌去皮薄切曬乾以充藥貨功力百倍

於蓂蓉 **味**甘 **性**溫

三七 無毒

三七主止血散血定痛金刃箭傷跌撲杖瘡血出不止者嚼爛塗或為末摻之其血即止亦主吐血衄血下血血痢崩中經水不止產後惡血不下血運血痛赤目癰腫虎咬蛇傷諸病○葉主折傷跌撲出血傳

之卽止青腫經夜卽散餘功同根本草綱目**名**山漆金不換**地**

李時珍曰生廣西南丹諸州番峒深山中**收**採根**色**黃黑**質**畧似白芨長

黃有**味**微甘而苦**性**溫**主**一切血病與騏驎竭紫鉚相同**質**以末

節**血中血化爲****治**凡杖撲傷損淤血淋漓者隨卽嚼爛

水者乃真**後**尤宜服之產後服亦良**行**乃陽明厥陰**倉**吐血

先服一二錢則血不衝心**山漆**一錢自嚼米湯送下或以五分加入八核湯○

大腸下血三七研末同淡白酒調一二錢服三服可

愈加五分入四物湯亦可○婦人血崩產後血多山

漆研末米湯服一錢○無名癰腫疼痛不止山漆磨

米醋調塗卽散已破者研末乾塗虎咬

蛇傷山漆研末米飲服三錢仍嚼塗之

本草綱目卷之六 漆 山漆 金不換 地

土當歸

無毒

土當歸

本草綱目

主除風和血煎酒服之閃掙手足同荆

芥葱白煎湯淋洗之

衛生易簡方

水仙

無毒

水仙

出會編

主癰腫及魚骨鯁

本草綱目

○花主作香澤塗

身理髮去風氣又療婦人五心發熱同乾荷葉赤芍

藥等分爲末白湯每服二錢熱自退也

衛生易簡方

名

金蓋

銀臺

地

叢生下濕處

時

冬月生葉春初抽莖

質

似蒜及薤莖如葱頭莖頭開花數朵大如簪頭

狀如酒盃五尖上承黃心宛然盞樣其花瑩韻其香清幽

收張機曰水仙花葉似初栽于肥壤則花茂盛瘦地則無花五月初收根以童尿浸一宿曬乾懸火煖處若不移宿根更旺

味苦微辛

性滑寒

臭香

倉土宿真君曰取汁伏汞煮雄黃拒火

吉利草 無毒

吉利草主解蠱毒極驗

本草綱目

地李時珍曰○稻舍南

交廣

質莖如金釵股形類石斛根類芍藥

味苦

性平

解蠱毒

硃砂根 無毒

硃砂根主咽喉腫痺磨水或醋嚥之甚良

本草綱目

地李時

珍曰**硃砂根****時**夏月長茂今惟**苗**高尺**質**葉似冬青生深山中**太和山人采之****許**葉背甚赤

根大如**味**苦**性**凉筋赤色

金絲草無毒

金絲草主吐血欬血衄血下血血崩瘴氣解諸藥毒

療癰疽疔腫惡瘡凉血散熱本草綱目**地**李時珍曰金絲

苗狀當俟**味**苦**性**寒**倉**婦人血崩金絲草海栢枝砂訪問也**仁花**椒蠶退紙舊錦灰等分

為末煮酒空心服。癰疽疔腫一切惡瘡金絲草忍冬藤五葉藤天喬麥等分煎湯溫洗黑色者加醋。

又鐵箍散用金絲草灰二兩醋拌曬乾貝母五兩去心白芷二兩為末以凉水調貼瘡上香油亦可或加

龍骨少許。天蛇頭毒金絲草金銀花藤五葉紫葛天喬麥等分切碎用絕好醋濃煎先熏後洗

蜘蛛香無毒

蜘蛛香主辟瘟疫中惡邪精鬼氣尸疰本草綱目地李時珍曰

蜘蛛香出蜀西色黑質有蠟鬚狀味辛性溫臭芳
茂州松潘山中

線香無毒

線香主熏諸瘡癰本草綱目質李時珍曰今人合香之法甚多惟線香可入瘡科用

其料加減不等大抵多用白芷芎藭獨活甘松三柰丁香藿香葉本高良薑角茴香連翹大黃黃芩栢木兜婁香末之類為末以榆皮麴作糊和劑以唧簞竿成線香成條如線也亦或盤成物象字形用鐵銅絲

懸燕者名

龍桂香

味

辛

性

溫

臭

香

倉

楊梅毒瘡龍桂香孩兒茶皂角子各一錢銀硃

二錢為末紙卷作燃點燈置桶中以鼻吸烟一日三次三日止內服解毒藥數服其瘡即乾

瑞香

無毒

瑞香根

本草綱目

王急喉風用白花者研水灌之

出醫學集成

地

李時珍曰南陵諸處山中有之

苗

枝幹婆娑柔條厚葉

時

四時不凋冬春之交開花成簇

色

微紫。花長三四分如丁香狀有黃白紫三色格古

論云瑞香高者三四尺有數種有枇杷葉者楊梅葉

者柯葉者毬子者攀枝者惟攀枝者花紫香烈枇杷

葉者結子攀枝者其節攀曲如斷折之狀也其根綿

軟而

收

其始出廬山宋時人家栽之始著名

味

根甘鹹

臭

香

氣

香烈

茉莉

無毒

茉莉花主蒸油取液作面脂頭澤長髮潤髮香肌亦

入茗湯○根

有毒

主以酒磨一寸服則昏迷一日乃醒

二寸二日三寸三日凡跌損骨節脫臼接骨者用此

則不知痛也

汪名

柰花

李時珍曰

嵇含草木狀作末

佛經作抹

利王龜齡集

作沒利

洪邁集

作末麗蓋末利本胡語

無正字隨人會意而已韋君呼為狎客張叔敏呼為

遠客楊慎丹鉛錄云

晉書都

地

李時珍曰末利原出波斯移植南海今滇

人簪柰花即今末利花也

時

初夏開小白花重

苗

弱莖繁枝綠葉團尖

畏寒不宜中土

不結實有千葉者紅色者蔓生者其花皆夜開芬香可愛女人穿爲首飾或合面脂亦可熏茶或蒸取液以代薔薇水又有似末利而瓣大其香清絕者謂之狗牙亦名雪瓣海南有之素馨指甲皆其類也

附錄素馨

李時珍曰素馨亦自西域移來謂之耶悉茗花卽西陽雜俎所載野悉蜜花色

枝幹裊娜葉似末利而小其花細瘦四瓣有黃白二色采花壓油澤頭甚香滑也

指甲花

有黃白二色夏月開香似木犀可染指甲過于鳳仙花

野菊

有小毒

野菊

出拾遺

主調中止洩破血婦人腹內宿血宜之治

癰腫疔毒瘰癧眼癰

本草綱目

名

苦薏李時珍曰薏乃蓮子之心此物味苦似之

故與之

地

陳藏器曰苦薏生澤畔李時珍曰苦薏處處原野極多

質

莖如馬蘭花如菊菊

甘而薏苦李時珍曰苦薏與菊無異但

味

李時珍曰

葉薄而多尖花小而莖多如蜂窠狀

性

溫

氣

辛

禁

朱震亨曰野菊花服之大傷脾胃

治

一切無名腫毒孫氏集效方用野菊

花連莖搗爛酒煎熱服取汗以渣傳之即愈○瑞竹

堂經驗方瘰癧未破野菊花根搗爛煎酒服以渣傳

之自消不消亦自破也○天泡

倉

衛生易簡方用野菊花莖葉蒼耳草

各一握共搗入酒一碗絞汁服以渣傳之取汁即愈

或六月六日采蒼耳葉九月九日采野菊花為末每

酒服三

錢亦可

千年艾

無毒

千年艾王男子虛寒婦人血氣諸痛水煎服之

本草綱目

地

李時珍曰千年艾出武當太和山中

苗

小莖高尺許其根如蓬蒿其葉長寸餘無尖極秋開黃花

如野菊而小結實如青珠丹顆之狀

時

三伏日采葉曝乾

色

面青背白

質

葉不似艾而作艾香

搓之即碎不似艾葉成茸

味

微苦

性

溫

氣

辛

黃花蒿

無毒

黃花蒿王小兒風寒驚熱

本草綱目

名

臭蒿大明曰臭蒿一名草蒿

質

李時珍曰

香蒿臭蒿通名草蒿與青蒿相似

色

此蒿色綠帶淡黃

味

苦

性

涼

氣

辛

臭

辛臭不可食人家采以

子

無毒

主勞下氣開胃止盜

瘧醬黃酒麴者是也

汗及邪氣鬼毒大性凉氣辛

燕脂無毒

燕脂主小兒停耳浸汁滴之開寶所錄活血解毒本草綱目

名 經救李時珍曰按伏候中地產於燕地故曰燕脂或作經救**色** 燕脂華古今注云燕脂起自紂

以紅藍花汁凝作之調脂飾女面匈奴人名妻為闕氏音同燕脂謂其顏色可愛如燕脂也**用** 入血

病藥**質** 李時珍曰燕脂有四種一種以紅藍花汁染胡粉而成乃燕脂有一種以紅藍花汁染燕脂葉似薊花

似蒲出西方中國謂之紅藍以染粉為婦人面色者也一種以山燕脂花汁染粉而成乃段公路北戶錄

所謂端州山間有花叢生葉類藍正月開花似蓼土人採含苞者為燕脂粉亦可染帛如紅藍者也一種

以山榴花汁作成者鄭虔胡本草中載之一種以紫
鉚染綿而成者謂之胡燕脂李珣南海藥譜載之今
南人多用紫鉚燕脂俗呼紫梗是也又落
葵子亦可取汁和粉勻面亦謂之胡燕脂
治防痘入目燕脂嚼汁點之
倉乳頭破裂燕脂嚼汁點之。嬰兒
脂嚼汁點之。驚口白厚如紙用坯子燕脂以乳
汁調塗之一宿效男用女乳女用男乳。痘瘡倒陷
乾燕脂三錢胡桃燒存性一箇研末用胡荽煎酒服
一錢再服取效。漏瘡腫痛猪胆七箇
綿燕脂十箇洗水和勻搽七次即可

箸

無毒

箸主男女吐血衄血嘔血咯血下血並燒存性溫湯

服一錢七又通小便利肺氣喉痺消癰腫

本草綱目

名

亦

與箸

簕葉

李時珍曰

簕若竹而弱故

地

簕生南方平澤

苗

其根

與莖皆似小竹其節籜與葉皆似蘆荻而葉

材

取葉

作笠及裹茶鹽包米

味

甘

性

寒

治

一切眼疾籠筋燒灰淋汁洗之久之

自效。耳忽作痛或紅腫內服將經霜青簕葉露在

外將朽者燒存性為末傳入耳中其疼即止。吹奶

乳癰五月五日糶簕燒

倉

咽喉閉痛簕葉燈心草燒

灰酒服二錢即散果效

倉

灰等分吹之甚妙。肺壅

鼻衄簕葉燒灰白麵三錢研勻井花水服二錢。經

水不止簕葉灰蠶紙灰等分為末每服二錢米飲下

○腸風便血茶萐內簕葉燒存性每服三匙空心糯

米湯下。男婦血淋亦治五淋多年煮酒瓶頭簕葉

三五年至十年者尤佳每簕七箇燒存性入麝香少

許陳米飲下日三服有人患此二服愈。尿白如注

小腹氣痛茶籠內箬葉燒存性入麝香少許米飲下
○小便澁滯不通乾箬葉一兩燒灰滑石半兩爲末
每米飲服三錢○痘瘡倒靨
箬葉灰一錢麝香少許酒服

淡竹葉

無毒

淡竹葉主葉去煩熱利小便清心根能墮胎催生

本草

綱目

名

根名碎

地

李時珍曰處

時

春生苗高數寸

質

細

骨子

處原野有之

八九月抽莖

莖

緣葉儼如竹米落地所生細竹之莖葉其根一

用

人

窠數十鬚鬚上結子與麥門冬一樣但堅硬爾

用

人

採其根苗搗汁和

味

甘

性

寒

禁

孕婦

勿服

米作酒麴甚芳烈

迎春花

無毒

迎春花

本草綱目

主腫毒惡瘡陰乾研末酒服二三錢出

汗便瘥

衛生易簡方

地

李時珍曰

處處

苗

叢生高者二三尺方莖厚葉葉

如初生小椒葉而無齒面青背淡對節生小枝一枝三葉

時

正月初開小花

質

狀如瑞香花黃色不

結實

色

黃

味

苦

性

平

剪春羅

無毒

剪春羅

本草綱目

主火帶瘡遶腰生者採花或葉搗爛蜜

調塗之為末亦可

證治要訣

名

剪紅羅

苗

高尺餘柔莖

時

二月生苗入夏

開花

色

綠葉花深紅色

質

花大如錢凡六出周廻如剪成可愛結實大如豆內有細子人家多種之

為玩也又有剪紅紗花莖高三尺葉似旋覆夏秋開
花狀如石竹花而稍大四圍如剪鮮紅可愛結穗亦
如石竹穗中有細子方書不見用
者計其功亦應利小便主癰腫也

金盞草 無毒

金盞草 救荒本草 主腸痔下血久不止 名醫別錄 杏葉草長

珍曰金盞其花形 蘇頌曰杏葉草一名金盞草生
也長春言耐久也 地 常州蔓延籬下葉葉相對秋後

有子如雞頭實其中變 時 中夏采花 質 周憲王曰金
生一小虫脫而能行 四時不絕 盞兒花苗高

四五寸葉似初生蒿莖葉厚而狹抱 色 金黃 收 李時
莖而生莖柔脆莖頭開花大如指頭 色 珍曰

夏月結實在萼內宛如尺蠖虫數枚蟠 味 酸其葉酸
屈之狀故 蘇氏言其化虫實非虫也 味 煤熟水浸

過油鹽性寒

狗尾草 無毒

狗尾草莖主疔目貫髮穿之即乾滅也凡赤眼拳毛
倒睫者翻轉目瞼以一二莖蘸水憂去惡血甚良

草本

綱目 莠 光明草 苗 苗葉似粟而小

地 李時珍曰 野垣墻多生

之用 李時珍曰 莠草秀而不實故字從 秀穗形象狗尾故俗名狗尾草

主 其莖治 目病 收

採莖筒盛 色 黃白色而無實莠 以治目病 之亂苗即此也

水楊梅 無毒

水楊梅主疔瘡腫毒

本草綱目

名

地

李時珍曰生水邊庚辛玉册云地椒

一名水楊梅多生近道陰濕處荒田野中亦有之

苗

叢生苗葉似菊莖端開黃花實類椒而不赤

用

實可結伏三黃白礬制丹砂粉霜

味

辛

性

溫

半邊蓮

無毒

半邊蓮主蛇虺傷搗汁飲以滓圍塗之又治寒勳氣

喘及瘧疾寒熱同雄黃各二錢搗泥碗內覆之待色

青以飯丸梧子大每服九九空心鹽湯下

李時珍壽域方

地

李時珍曰半邊蓮小草也

質

引蔓節節而生細葉秋開小花如蓮花狀

色

生陰濕塋中就地細梗

花淡紅紫色止有氣平味辛
半邊又呼急解索

紫花地丁 無毒

紫花地丁主一切癰疽發背疔腫瘰癧無名腫毒惡

瘡

本草綱目

名

箭頭草 羊角子

獨行虎

地

李時珍曰處處有之
平地生者起莖溝壑

邇生者

時

夏開紫花結角

質

其葉似柳而微細
普濟方云鄉

起蔓

鈴兒倒垂葉微似木香花之葉此
與紫花者相戾恐別是一種也

味

辛苦

性

寒

治

黃疸內熱

地丁末酒服三錢○稻芒粘咽不得出者箭頭草嚼

嚥下○癰疽發背無名諸腫貼之如神紫花地丁草

三伏時收以白麵和成鹽醋浸一夜貼之昔有一尼

發背夢得此方數日而痊○一切惡瘡紫地丁根日

乾以罐成燒烟對瘡熏之出黃水取盡愈。疔瘡腫毒〔脩急方〕用紫花地丁草搗汁服雖極者亦効〔瘡〕癰疽惡瘡〔楊誠經驗方〕用紫花地丁連根同蒼耳葉等分搗爛酒一鍾攪汁服。瘰癧疔瘡發背諸腫〔乾坤秘韞云〕紫花地丁根去粗皮同白蒺藜為末油和〔金神効〕○喉痺腫痛〔普濟方〕用箭頭草葉入醬少許研膏點入取吐

漏藍子

有毒

漏藍子主惡痢冷漏瘡惡瘡癰風

本草綱目

〔名〕

木鼈子虎掌

李

〔時珍曰〕此乃附子之瑣細未成者小而漏藍

〔地〕

大明

故名之南星之最小者名虎掌此物類之

〔會〕

典

載四川成都府歲貢天雄二十對附子五

〔用〕

李時珍

十對烏頭五十對漏藍二十斤不知何用

〔用〕

日按楊

士瀛直指方云凡漏瘡年久者復其元陽當用漏藍子輩加減用之如不當用而輕用之又恐熱氣乘虛變移結核而為害尤甚也蓋此物不堪服餌止宜入瘡科也

味

辛苦

禁

雷斅曰服之令人喪目

治

類編云一人兩足生瘡臭潰難近夜宿五夫人祠下夢神授方用漏藍子一枚生研為末入膩粉少

許井水調唾依法治之果愈

倉

一切惡痢雜下及休息痢百歲丸用漏藍子一箇大者阿膠木香黃

連罌粟殼各半兩俱炒焦存性入乳香少許為末糊丸梧子大每一歲一丸米飲下

鳳仙

有小毒

鳳仙子主產難積塊噎膈下骨哽透骨通竅

本草綱目

名

急性子

旱珍珠

金鳳花

小桃紅

染指甲草

菊婢

海蔘

夾竹桃

李時珍曰

其花頭翅尾

足俱具翅儼然如鳳狀故以名之女人採其花及葉包染指甲其實狀如小桃老則迸裂故有指甲急性小桃諸名宋光宗李后諱鳳宮中呼為好女兒花張苑丘呼為菊婢韋居士呼為羽客

地

鳳仙人家

多種之

時

二月下子五月可再種

苗

按苗高二三尺莖有紅白二色其大如指中空而脆

葉長而尖似桃柳葉而有鋸齒極間開花或黃或白或紅或紫或碧或雜色亦自變易狀如飛禽自夏初至秋盡開謝相續結實纍然大如櫻桃其形微長色如毛桃生青熟黃犯之即自裂皮卷如拳苞中有子似蘿蔔子而小褐色人採其肥莖汙浥以充蒿笋華酒浸一宿亦可食但此草不生虫蠹蜂蝶亦不近恐亦不能無毒也

味

微苦

性

溫

氣

氣之薄者陽中之陰

臭

微香

主

李時珍曰鳳仙子其性急

速故能透骨軟堅庖人烹魚肉硬者投數粒即易軟爛是其驗也

禁

緣其透骨最能損齒與玉簪根

同丸服者不可着齒也多用亦戟人咽

治

噎食不下摘玄方用鳳仙子酒浸三宿曬乾爲末酒丸綠

豆大每服八粒溫酒下不可多用卽急性子也○咽中骨哽欲死者普濟方白鳳仙子研水一大呷以竹筒灌入咽其物卽軟不

倉

產難催生集簡方鳳仙子可近牙或爲末吹之

二錢研末服勿近牙外以

蓖麻子隨年數搗塗足心○牙齒欲取摘玄方金鳳花子研末入砒少許點疼牙根取之○小兒痞積孫天仁集效方急性子水蘘花子大黃各一兩俱生研末每味取五錢外用皮硝一兩拌勻將白鷄鴿一箇或白鴨亦可去毛屎剖腹勿犯水以布拭淨將末裝入內用綿絮定沙鍋內入水三碗重重紙封以小火煮乾將鴿或鴨翻調焙黃冷定早晨食之日西時疾軟三日大便下血病去矣忌冷物百日

花

無主蛇傷搗酒服卽解又治腰脇引痛不可忍者研

餅晒干為末空心每酒服三錢活血消積

本草綱目 味甘滑

性 溫 **倉**

吳旻扶壽精方 風濕臥床不起用金鳳花栢子仁朴硝木瓜煎湯洗浴每日二三次內服

獨活寄

根有小毒

主雞魚骨鯁誤吞銅鐵杖撲腫痛

生湯

散血通經軟堅透骨

本草綱目

味

辛苦甘

治

咽喉物硬危氏得效方 金鳳花

根嚼爛噙嚥骨自下雞骨尤效即以此溫水漱口免損齒也亦治誤吞銅鐵。打杖腫痛葉廷器通變要法 鳳仙花葉搗如泥塗腫破處乾則又上一夜血散即愈冬月收取陰乾者研末水和塗之。馬患諸病衛 生易簡方白鳳仙花連根葉熬膏遇馬有病抹其眼四角上即汗出而愈

曼陀羅花

有毒

花子主諸風及寒濕脚氣煎湯洗之又主驚癇及脫

肛并入麻藥

本草綱目

名

風茄兒

山茄子

李時珍曰

法

花又道家北斗有陀羅星使者手執此花故後人因以名花曼陀羅梵言雜色也茄乃因葉形耳姚伯聲

花品呼

地

李時珍曰曼陀羅生北土人家亦栽之

時

春生

苗

獨莖直上高四五尺

生不旁引葉如茄葉八月開白花凡六瓣壯如牽牛花而大攢花中折駢葉外包而朝開夜合結實圓而

有子揚中

採

八月採花

用

花子

色

綠莖碧

味

辛

性

溫

氣

有小子

氣之薄者

主

八月采此花七月采火麻子花陰乾等分爲末熱酒調服三錢少頃昏昏如醉

割瘡灸火宜先服

禁

李時珍曰相傳此花笑采釀酒飲令人笑舞子常試之飲須半

此則不覺苦也

醋更令一人或笑或舞引之乃驗可見有毒

治

面上生瘡衛生易簡方曼陀羅花晒乾研末少許貼

之

倉

小兒慢驚御藥院方曼陀羅花七朵重一字天麻二錢半全蝎炒十枚天南星炮丹砂乳香各

二錢半爲末每服半錢薄荷湯調下。大腸脫肛曼陀羅子連殼一對橡斗十六箇同剉水煎三五沸入朴硝少許洗之

醉魚草

有小毒

花葉主痰飲成齁遇寒便發取花研末和米粉作糰炙熟食之卽效又治誤食石斑魚子中毒吐不止及諸魚骨鯁者搗汁和冷水少許嚥之吐卽止骨卽化

也久瘡成癖者以花填鯽魚腹中濕紙裹煨熟空心

食之仍以花和海粉搗貼便消

本草綱目名開魚花魚尾草 樨木

地

李時珍曰醉魚草南方處處有之多在塹岸邊作小株生

苗

李時珍曰高者三四尺根狀如枸杞

莖似黃荊有微稜外有薄黃皮校易

時

七八月開花成穗

質

繁衍葉似水楊對節而生經冬不凋

儼如芫花一

色

紅紫色

主

漁人采花及葉以毒魚盡圍圍而死呼為醉魚兒草也

樣結細子

用

花葉

味

辛苦

性

溫

氣

氣之薄者陽中之陰

禁

沿邊不可種之此花色狀氣味如芫花毒

魚亦同但花開不同時為異耳按中山經云熊耳山有草焉其狀如蘇而赤花名曰葶藶可以毒魚其此

草之

類與

番木鱉無毒

番木鱉主傷寒熱病咽喉痺痛消痞塊並含之噦汁

或磨水噦噦

本草綱目

名

馬前子

苦實把

地

李時珍曰

回回國今西土邛州諸處皆有之

苗

蔓生夏開黃花亦如木鱉其核小於木鱉而色白彼人言治一

百二十種病每證各有湯引或云以豆腐製過用之良或云能毒狗至死

時

七八月結實如枯樓

色

生青熟赤

質

李時珍曰狀似馬之連錢故名馬前

用

子

味

苦

性

寒

氣

氣薄味苦陰也

治

苦實把豆兒研膏納入牝戶三四寸去胎

瘡

合番木鱉青木香山豆根等分為末療喉痺作痛

番木鱉仁一箇木香三分同磨水調熊胆三分膽礬五分以雞毛掃纏喉風腫取效。癰瘡入目苦實把

豆兒卽馬前子半箇輕粉水花銀朱各五分片腦麝香枯礬少許爲末左目吹右耳右目吹左耳目二次

月季花

無毒

月季花主活血消腫傳毒

本草綱目

名

月月紅

瘦客 閩雪紅

勝春地

李時珍曰處處人家多栽插之亦薔薇類也

苗

青莖長蔓硬刺葉小於薔薇千葉厚瓣不結子也

時

逐月

色

花深紅

味

甘

性

溫

氣

氣薄味淡陰中微陽

治

療瘰癧未破用月季

花頭二錢沉香五錢芫花炒三錢碎剉入大鯽魚腹中就以魚腸封固酒水各一盞煮熟食之卽愈魚須安糞水內遊死者方效此是家傳方活人多矣

九仙子

無毒

九仙子主咽痛喉痺散血以新汲水或醋磨汁含嚥

甚良

本草綱目

名

仙女嬌

地

李時珍曰出均州太和山

九仙子

苗

蔓高六七尺莖細而

光葉如烏桕葉而短扁不團每葉極生子枝或一或二裊裊下垂六七月開碎青黃花隨卽結實碎子叢

簇如穀

時

生二月生苗採九月採根

色

白

質

一根連綴九枚大者如雞子小者如半夏

味苦

性

涼

氣

降也陰也

黃藤

無毒

黃藤主飲食中毒利小便煮汁頻服卽解

本草綱目

地

李時

珍曰黃藤

質

狀若防已

主

中飲食毒俚人常服此藤縱飲食有毒亦自然不發席辨刺史

生嶺南

云甚有效
味 甘
性 平
氣 氣之薄者
陽中之陰

蘋 無毒

蘋主暴熱下水氣利小便
吳普 擣塗熱瘡擣汁飲治蛇

傷毒入腹內曝乾枯樓等分爲末人乳和丸服止消

渴

本草拾遺

食之已勞

山海經

名

苺菜

四葉菜

田字草

李時珍曰

蘋本作蕒左傳

蘋蘩蘊藻之菜可薦於鬼神可羞於王公則蕒有賓
之義故字從賓其草四葉相合中折十字故俗呼
爲四葉菜田字草破銅錢皆象形也諸家本草皆以
蘋註水萍蓋由蘋萍二字音相近也按韻書蘋在真
韻蒲真切萍在庚韻薄經切切脚不同
地 吳普曰水萍一名水

廉生池苗一莖一葉葉圓小根入水底陶弘景曰水

澤水上中大萍非溝渠所生之萍乃楚王渡江所

得卽斯實也蘇恭曰萍有三種大者名蘋中者名苳

葉皆相似而圓其小者卽水上浮萍也陳藏器曰蘋

葉圓濶寸許葉下有一點如水沫一名苳菜小萍是

溝渠間者劉禹錫按爾雅云萍萍也其大者曰蘋又

詩云予以采蘋于澗之濱陸機注云其粗大者謂之

蘋小者爲萍季春始生可糝蒸爲茹又可以苦酒淹

之按酒今醫家少用此蘋惟小萍耳李時珍曰蘋乃

四葉菜也葉浮水面根連水底其莖細於蓴苳其葉

大如指頂面青背紫有細紋頗似馬蹄決明之葉四

葉合成中折十字夏秋開小白花故稱白蘋其葉攢

簇如萍故爾雅謂大者爲蘋也呂氏春秋云菜之美

者有崑崙之蘋卽此韓詩外傳謂浮者爲藻沉者爲

蘋雁仙謂白花者爲蘋黃花者爲苳卽金蓮也蘇恭

謂大者爲蘋小者爲苳楊慎卮言謂四葉菜爲苳陶

弘景謂楚王所得者爲蘋皆無一定之言蓋未深加體審惟據紙上猜度而已李時珍一一采視頗得其真云其葉徑一二寸有一缺而形圓如馬蹄者蓴也似蓴而稍尖長者荇也其花並有黃白二色葉徑四五寸如小荷葉而黃花結實如小角黍者萍蓬草也楚王所得萍實乃此萍之實也四葉合成一葉如田字形者蘋也如此分別自然明白又項氏言白蘋生水中青蘋生陸地按今之田字草有水陸二種陸生者多生稻田沮洳之處其葉四片合一與白蘋一樣但莖生地上高三四寸不可食方士取以煨硫結砂煑汞謂之水田翁項氏所謂青蘋

時

生三月

採五月

收

暴乾

入藥

蓋卽此也或以青蘋爲水草誤矣

色

白

味

甘

性

寒

氣

降也

滑

陰也

水藻

無毒

水藻主去暴熱熱利止渴搗汁服之小兒赤白遊癰

火焱熱瘡擣爛封之名醫別錄李時珍曰藻乃水草之有文者潔淨如澡浴故

謂之地蘇頌曰藻生水中處處有之周南詩云苗陸

藻註云藻生水底有二種葉如雞蘇莖如筋長四五尺

一種葉如蓬蒿莖如釵股謂之聚藻二藻皆可食熟

援去腥氣米麵粳蒸為茹甚滑美荆揚人飢荒以當

穀食陳藏器曰馬藻生水中如馬齒相連李時珍曰

藻有二種水中甚多藻葉大二三寸兩兩對生即馬

藻也聚藻葉細如絲及魚鰓狀節節連生即水蘊也

俗名鰓草又名牛尾蘊是也爾雅云若牛藻也郭璞

注云細葉蓬茸如絲可愛一節長數寸長者二三十

節即蘊也二藻皆可食入藥以馬藻主患熱毒腫

為勝左傳云蘋蘩藇藻之菜即此并丹毒味

甘

性

大寒滑

治

孫思邈曰凡天下極冷無過藻菜但有患熱毒腫并丹毒者取渠中藻菜切搗

傳之厚三分乾即易其效無比

虎耳草

有小毒

虎耳草主瘟疫播酒服生用吐利人熟用則止吐利

又治停耳擣汁滴之痔瘡腫痛者陰乾燒烟桶中熏

之

本草綱目

名

石荷葉

地

李時珍曰虎耳生陰濕處人亦栽於石山上

苗

莖高五六寸有

細毛一莖一葉如荷蓋狀人呼為石荷葉大如錢狀似初生小葵葉及虎之耳形

時

夏開小花

色

淡紅色

味

微苦辛

性

寒

白龍鬚

無毒

白龍鬚

本草綱目

主男子婦人風濕腰腿疼痛左癱右瘓

口目喎斜及產後氣血流散脛骨痛頭目昏暗腰腿

痛不可忍並宜之惟虛勞癱痿不可服研末每服一

錢氣弱者七分無灰酒下密室隨左右貼牀臥待汗

出自乾勿多蓋被三日勿下床見風一方得疾淺者

用末三錢瓷餅煮酒一壺每日先服桔梗湯少頃飲

酒一盞早一服晚一服

保壽堂方

地

李時珍曰劉松石保壽堂方云白龍鬚生

近水旁有石處寄生搜

苗

細如樓絲直起無枝葉最難得真者一種萬纏草生

於白線樹根細絲相類但有枝莖稍粗為異誤用不妨愚按所云二樹名皆隱語無從攷證

味

缺

性

平

治

李時珍曰保壽方云成化十二年盧玄真道士六十七歲六月偶得癰瘰服白花蛇丸牙

齒盡落三年扶病入山得此方服百日復舊壽至百歲乃卒凡男婦風濕腰腿痛先服小續命湯及滲濕湯后乃服此凡女人產後腰腿腫痛先服四物湯二服次日服此若癰瘰年久痰老氣微者服前藥出汗三日之後則日服龍鬚末一分好酒下隔一日服二分又隔一日服三分又隔一日服四分又隔一日服五分又隔一日復從一分起如前法周而復始至月餘其病漸愈謂之升陽降氣調髓蒸骨追風逐邪排血安神忌房事魚鵝雞羊韭蒜蝦蟹及寒冷動風之物又不可過飲酒及麵食只宜米粥蔬菜

瘡

諸風

癰疽筋骨不收用白龍鬚根皮一兩開羊花即老虎
花七分好燒酒三斤封固煮一炷香埋土中一夜能
飲者三盃不能飲者一盃臥時服
服至三五盃見效但知痛者可治

雜草

樹孔中草

李時珍曰主小兒腹痛
夜啼暗着戶上即止

豬窠草

大明曰小兒夜啼密
安席下勿令母知

牛齡草主絞汁服止噦

陳藏器

療反胃霍亂小兒口噤

風

本草

名

牛轉草 即牛食而
復出者俗曰回噍

主

李時珍曰牛齡治
反胃噎膈雖取象

回噍之義而沾濡口涎為
多故主療與涎之功同

治

小兒流涎用牛噍草絞
汁少少與之○初生小

兒口噤十日內者用
牛口齡草絞汁灌之
細末取黃母牛涎和九龍眼大煮熟食之入砂糖二兩尤妙○霍亂吐利不止用烏牛齡草一團人參生薑各三錢甜漿水一升半煮汁五合服

盧精

別錄曰
治蠱毒

地

生益

味

平

九龍草

名
金釵

地

李時珍曰
生平澤

苗

苗解
諸毒

質

生紅子狀
如楊梅

治

喉痛搗汁灌之○折傷筋骨者搗罨患處○楊清叟外科云喉風重舌牙關緊閉者取九龍草單枝上者為妙只用根不用皮打碎綿裹筋上擦牙關即開乃挿探喉中取出痰涎乃以火炙熱蘸鹽點之即愈

瘡

蛇虺傷者搗汁入雄黃二錢服其痛立止

荔枝草

李時珍曰衛生易簡方治蛇咬犬傷及破傷風取草一握約三兩以酒二盞煎一盞服取

汗出效

水銀草

李時珍曰衛生易簡方治眼昏每服三錢入木賊少許水一盞煎八分服

透骨草主筋骨一切風濕疼痛攣縮寒濕脚氣

本草綱目

倉

孫氏集效方治癰風遍身瘡癰用透骨草苦參大黃雄黃各五錢研末煎湯于密室中席圍先熏至

汗出如雨淋洗之○反胃吐食透骨草獨根蒼耳生牡蠣各一錢薑三片煎服○楊誠經驗方治一切腫

毒初起用透骨草蘆防風地榆等分煎

湯綿蘸乘熱不住盪之二三日即消

蛇眼草主蛇咬搗爛傅患處

本草綱目地

李時珍曰生古井及年久陰下

處

質

形如淡竹葉背後皆是紅圈如蛇眼狀

主

唐珪經驗方治蛇咬搗爛敷患處

蛇魚草

李時珍曰戴元禮證治要訣云治金瘡血出不止搗敷之

九里香草

李時珍曰傳滋醫學集成治肚癰搗碎浸酒服

白筵草

李時珍曰香草也蟲最畏之孫真人千金方治諸虫瘡疥癩取根葉煎水隔一日一洗

環腸草

李時珍曰張子和儒門事親方治蠱脹晒乾煎水日服以小便利為度

割耳草

李時珍曰王執中資生經治氣聾方中用之

銅鼓草

李時珍曰范成大虞衡志云出廣西其實如瓜治瘍毒

野苳草

李時珍曰摘玄方治痞滿用五斤以一半安烏盆內置鷄子十箇在草上以草一半蓋之

米醋浸二宿雞子殼軟乃取於飯上蒸熟頓食之塊漸消也經驗

織霞草

李時珍曰陳巽經驗方元臟虛冷氣攻臍腹痛用礪砂一兩生烏頭去皮二兩織霞草二

兩爲末以小砂礪固濟慢火燒赤以此草拌礪入內不蓋口頂火一秤煨之爐冷取出同烏頭末蒸餅爲

丸梧子大每服

三丸醋湯下

牛脂芳

李時珍曰經驗良方治七孔出血爲粗末每服一勺瓦器煎服以紗合頭頂并紫小指根

鴨脚青

李時珍曰普濟方治疔瘡如連珠者同蕉蘇研爛糖水拌刷之

天仙蓮

李時珍曰衛生易簡方惡毒瘡癰搗葉敷之

雙頭蓮

李時珍曰一名催生草主婦人產難左手把之卽生又主腫脹利小便衛生易簡方

大人小兒牙疳搗爛貼之

豬藍子治

李時珍曰衛生易簡方治耳內有膿名通耳散用子為末筒吹入不過二三次愈

天芥菜名

雞病粘

地

生平野

質

小葉如芥狀

瘡

雞病粘主蛇傷同金沸草入鹽

搗敷之

王璽醫林集要治腋下生腫毒以鹽醋同

搗敷之散腫止痛膿已成者亦安亦治一切腫毒

佛掌花

本草綱目

瘡

李時珍曰衛生易簡方疔瘡如櫻桃者用根同生薑蜜研汁服之外以天

茄葉

貼之

郭公刺

本草綱目

名

光骨刺

治

李時珍曰取葉搗細油調敷天泡瘡虞博醫學正傳治哮

喘取根到水

煎服即止

籐箕柴

本草綱目

地

李時珍曰生山中

治

王永輔惠濟方治癰瘡取皮煎湯服須臾瘡不

可忍以手肥破出毒氣即愈

碎米柴

本草綱目

治

李時珍曰主癰疽發背取藥入敷藥用

羊屎柴

本草綱目

名

一名牛屎柴

地

野生山

苗

葉類鶴虱四月開白花亦有紅花者

結子如羊屎狀名鐵草子根可毒魚

時

四月開花夏用苗葉冬用根

治

癰疽發背搗爛敷之能合

瘡口散膿血乾者爲末漿水調敷。又治下血如傾水取生根一片生白酒二斗煮一斗空心隨量飲

山枇杷柴

本草綱目

主

李時珍曰危亦林得效方治湯火傷取皮焙研末蜜調敷之

三角風

本草綱目

名

一名三角尖

收

取石上生者尤良

主

風濕流注疼痛及癰疽腫

毒

葉下紅

本草綱目

主

飛絲入目腫痛同鹽少許絹包滴汁入目仍以塞鼻左塞右右塞左

滿江紅

本草綱目

主

癰疽入膏用

隔山消

本草綱目

地

李時珍曰出太和山

色

白

主

腹脹積滯

倉

孫天仁集效方治氣

隔噎食轉食用隔山消二兩雞肫皮一兩牛膽南星朱砂各一兩急性子二錢為末煉蜜丸小豆大每服

一錢淡

薑湯下

石見穿主骨痛大風癰腫

本草綱目

醉醒草

本草綱目

地

李時珍曰天寶遺事玄宗於興慶池邊植之

苗

叢生葉紫心殷醉客

摘草嗅之
立醒故名

墓頭回

本草綱目

治

李時珍曰：董炳集驗方：治崩中赤白帶下，用一把酒水各半，蓋童便半盞。

新紅花一捻，煎七分，臥時溫服，日近者一服，久則三服，愈其效如神。一僧用此治蔡大尹內人，有效。

羊茅

本草綱目

治

李時珍曰：羊喜食之，故名。普濟方：治喉痺腫痛，搗汁嚥之。

阿兒只

本草綱目

地

李時珍曰：劉郁西域記云：出西域。

質

狀如苦參

主

打撲傷損

治

婦人損胎，用豆許嚥之，自安。又治馬鼠瘡。

阿息兒

本草綱目

地

李時珍曰：西域記云：出西域。

質

狀如地骨皮

治

主婦人胞衣不

下。又治金瘡膿不出，嚼爛塗之，即出。

奴哥撒兒

本草綱目

地

李時珍曰西域記云出西域

質

狀如桔梗

治

主金瘡及腸與

筋斷者嚼爛

傳之自續也

本草品彙精要續集卷之二